

22 DIC. 1953

Ö MEGO PE FORZA

OPERA IN 3 ATTI

IN DIALETTO GENOVESE

Poesia

DI N. BACIGALUPO

e-gen Musica del Maestro

Cav. MICHELE NOVARO



GENOVA

TIPOGRAFIA DEI FRATELLI PAGANO

1874.

Proprietà Letteraria

Gen. XIX
Misc.

A.

4.

5



BIBLIOTECA
BERIO
GENOVA

S

PERSONAGGI

TOMMAXO, ricco campagnuolo, padre di

GIACINTA, amante di

VALERIO, maestro di Scuola del Villaggio.

TIRITOFOLO, medico.

BARRUDDA, spaccalegne, marito di

MARTINN-A.

TOGNO, servo di TOMMAXO.

LUCCHIN, altro servo di TOMMAXO

BEPPINN-A, sua moglie, serva di GIACINTA.

MEDICI.

Contadini e Contadine.

*L'azione ha luogo in una Campagna presso Genova
nel secolo passato.*



ATTO PRIMO

Piazzale in campagna — Dalla destra un casino — È l'alba
Diversi contadini entrano in scena con frutta ed erbaggi
andare al mercato.

Scena prima.

CONT. Ohelà amixi, zuenotti, gardette
Le za giorno, adesciæve stæ sciû
Sciû coraggio, piggiæve e corbette
Che le tempo d'andasene in zù.
Sciû lesti che nasce
Se vedde za o sò
Miæ o monte de Fasce
Che o cangia de cò.

CONTADINE e CONTADINI *che entrano in scena.*

Oh che vive bagardo, marviaggio
O le quello do povio paisan
Manezzâ tûtto o giorno o bagaggio
Pe guagnâse ûn tocchetto de pan.
TUTTI Oh comme a recilla
Oh comme a fa ben
St'aietta tranquilla
Che a spussa de fen.
Manco â nêutte ghe riesce posâse
Un malærdo da o lungo giammin
Canta o gallo, bezêugna levâse
Portâ a Zëna patate e navoin.

Coraggio zuenette
No stæ a zinzannâ
Sciù a roba e-e fadette
Che ghe da rosâ.

Scena seconda.

VALERIO *entra in scena con circospezione
e si arresta in fondo vedendo i villani.*

VILLANE (*re-* La ghe o meistro... Scignoria
dendolo) Coscì presto fêua de chi?

VAL. (*avanzandosi di cattivo umore*)
Oh bon giorno â compagnia
CORO Comme vala?

VAL. (*e. s.*) Li coscì.

CORO (*circon-* Cose diascoa sciâ se sente
dandolo) Sciâ le rauso? Sciâ l'ha mâ?

VAL. (*mettendosi la mano alla guancia*)
Sci le veo, ma o le sto dente
Che o m'ha fæto tribolâ!
Tûta a nêutte n'ho posciûo
Strenze ûn êuggio da sti duî.

CORO E coscì sciâ sciorte a scûo?

VAL. Pe poei vedde de guarî.

CORO Ghœu e tenaggie

VAL. Certamente

Oggi andiô da-o cavad-nte
CORO (*con* Eh pe guæi de sto so mâ
caricatura) Sciâ n'ha guæi da camminâ

VAL. Sæiva a dî?

CORO (*c. s.*) Eh! s'intendemmo
Sciâ ne miga tanto scemmo

VAL. No capiscio.....

CORO A so mèixinn-a
Sciâ domande a-o sciô Tomaxo
Che o g'ha ûn pesso de zueninn-a
Che a fa proprio pe-o sò caxo

O so mâ o le do gabbian
•Testa rotta e becco san (*tutti ridono cir-
condandolo*).

VAL. (*in collera*) Insolenti, impertinenti
Intrighæve dove poei
Coro Pe stâ meglio di so denti
Atra cûa no ghe davveî!

VAL. (*in collera*) Eh via finimola
Sei tûtti nesci
Dî e cose abbrettio
Parlæ a stramesci.
(Ese a-o ridicolo
D'esti paisen!
Mi sento rôdime
Me smangia e mcæn).

CORO (*ridendo e canzonando*)
Via, sciâ no s'axime
Sciâ n'aggie puia
Se guæisce subito
Da so maotia.
Oh per Dio scampene
Se le o no a dâ
A un bello zoveno
Comme vosciâ!

(*I villani partono ridendo — VALERIO resta solo in
scena interdetto ed arrabbiato*).

VAL. Se ne van grazie a Dio! Le proprio veo
Che a trattâ co-i paisen, se ghe rimette
Che gente maledette!
Credeïvo d'êse aspærto
E invece sti beduin, m'han descoværto!
Aoa cose ho da fâ! Son bell'andæto
Se o saviâ so pappà, se nasce ûn cæto!
(*dopo aver pensato un momento*)
E coscì cose importa? Me ne rio
Ghe vèuggio troppo ben
E i cæti di paisen

Me fan cresce o coraggio e l'ardimento
E za che a le coscì, demmoghe drento
No ghe ûn öa no ghe ûn momento
In ta nêutte, in ta giornâ
Che a caxon do mæ tormento
A me lascie ûn pô quietâ.
Se mi scrivo, studio, lezo
Cose veddo ? sempre lê
E se dormo, le ancon peso
A me sata in sce l'œgië
Se contasse, se dicesse
I mæ caxi a chi se sæ
No troviæ chi non avesse
Un pestùmmo de pietæ.
Che me fa se scinn-a e prie
Per mi sentan compascion
Se a cattiva a piggia in rie
I mæ mali, o mæ magon ?
« Ma intanto za le inûtile
« Ho perso l'occaxion
« Oggi no posso veddila
« Nè in ciassa nè a-o barcon ».

Scena terza.

GIACINTA *dal Casino e detto.*

GIAC. (*sottovoce*) Valerio
VAL. (*volgendosi subito*) Oh Dio!
GIAC. (*c. s.*) Silenzio
In casa ghe o pappà
Ho puia che o posse veddime.
VAL. (*segnandole un angolo della scena*)
Sciä vegne un pô ciù in ça
GIAC. (*con dolore*) Se sciä savesse!
VAL. Spaximo
GIAC. (*c. s.*) Vêuan fâme dî de scî

- VAL. (*sorpreso*) Sciä burla ?
GIAC. (*c. s.*) Ah! le veriscimo
VAL. Davvei? meschin de mi!
E chi o le mai sto stûpido
Sto vile de spozôu ?
GIAC. Un ommo milionaio
Un conte, ûn titolôu !
VAL. (*scoraggiato*) Un conte? Addio Valerio
GIAC. Ma comme!
VAL. (*c. s.*) L'ho in t' ûn pê
GIA. Ma cose sciä se fabbrica?
VAL. (*c. s.*) Se a cosa a ven da lë!
GIAC. Ma mi nö vëuggio
VAL. Miccere
Sciä o vëu fâ credde a mi?
A-o punto de deciddise
Sciä no dia ciû coscì.
GIAC. Sciä le ûn cattivo, ûn barbaro
Sciä n'ha de compascion
L'avviso do pericolo
E sciä me cruzia ancon?
VAL. (*con passione*) Ah se mi poesse creddila!
Ah se me poesse fiâ!
GIAC. Ma comme devo dighelo?
Ma cose posso fâ?
VAL. Mi vorriæ che sciä intendesse
In t' ûn lampo, ûn batti d' êuggio
Senza voel che ghe spieghe
Cose cerco, cose vëuggio
Ghe de cose che a spiegale
Se ghe leva da bontæ
E coscì besêugna fale
Senza aveile raxonnæ
GIAC. Ah se invece d' êse figgia
Do mæ stato e condizion
Mi n'avesse de famiglia
Fosse ûn' ommo bell' e bon

Ghe mostrieivo che son bonn-a
A capî senza parlâ
Ma voscià se sciä raxonn-a
Sciä nō deve domandâ

VAL. « Ghe de cose che pêuan fäse
« Da ogni sesso e condizion

GIAC. « Sciä commense ûn pō a spiegase
« Sciä me digghe cose son ?

VAL. « Eh s'inventa ûn stratagemma
« Se figúra d'avei mâ
« Sciä ne miga tanto scemma
« Da doveila conseggiâ.....

GIAC. (*con risoluzione*) Ho capio! se me ghe metto
Scia veddiâ che ne sciortiō

VAL. In che moddo?

GIAC. Ho ûn mæ progetto

VAL. Sciä me-o digghe

GIAC. Poi ghe o diō

VAL. Ma ghe vêu dell'energia!

GIAC. Me ne cresce

VAL. Avei do chêu!

GIAC. Sciä se credde ch'aggie puia?
Sciä me piggia pe ûn figgiêu?
Son savia son bonna

Son comme ûn agnello

Per chi me raxonna

Pe fâme obbedi

Ma ho ûn certo cervello
Ciù fermo che ûn schêuggio
Se a quello che vêuuggio
Me vêuân contradi

VAL. L'amō, ma de quello
Ben veaxio, granio
Che o bruxia o cervello
Che o sccièuppa da-o chêu!

Se o piggia ûn asbrio
O vinse ogni intoppo
A cõre a-o galoppo
Ciù fito che o pèu *(partono da diverse
partì)*

Scena quarta.

Sala in casa di Tommaso.

TOMMASO *solo.*

TOM. *(entra in scena da destra)*

Ma cose me succede! miæ che roba!
Oh che caxi! che sorte! che destin!
De tûtta a mæ famiggia
No me resta de vivo che ûnna figgia
E scì scignori, o diao o ghe mette a cõa
A me ven mûtta comme ûn pescio spâ!
Amiæ ûn pö che demöa!
Mûtta lë... che se devo dilo scchetto
A l'aveiva ûnn-a lingua ûn barbacio
Da no fermâse ciù dæto l'asbrio.
Amiæ ûn po se le poscibile
Ch'aggie sempre un remmo in mâ
Te ghe penso, me ghe fixico
Me ven coæ de giastemmâ
Cose serve avei stentou
Speiso, spanto, tribolou
Pe educâ tiâ sciû sta figgia
E formâme ûnn-a famiggia!
Se lî proprio in to ciù bello
Ve ghe capita ûn bordello
E pe o premio do mæ stento
Devo vedia tribolâ
Vegnî mûtta in t'ûn momento
Senza pueighe rimediâ!

L'èa zà pronto o sposalizio
Tutto lesto, combinou
Se mi poeivo sbarazzamene
Me sæ parso recoviou
Unn-a votta fèua de chi
No ghe devo pensâ mī
O mæ regno o l'ea finio
Se a godīva so marīo
Aoa invece, perdiesanna
Mi son torna lì in sce Sanna
Se a le mûtta comme ûn pescio
A chi a posso appilotuâ?
Besèugnieīva trovâ ûn nescio
Da poei faghela piggiâ!

Scena quinta.

BEPPINN-A e detto.

- BEP. Sciö padron!
TOM. Ti è chi Beppinn-a?
Cose ghe? qualch'atro cæto?
BEP. Oh mæ povia scignorinn-a
TOM. Parla, via, cose ghe stæto?
BEP. Voeiva dīghe . . .
TOM. (*impaziente*) Dillo fīto
No me mette in ansietæ
BEP. Chi l'avesse mai ciù dīto!
TOM. (*c. s.*) Mi ghe dæivo de maschæ!
BEP. Pe fa guæi a padronetta
Mi g'avieivo ûnn-a ricetta
TOM. (*con meraviglia*) Ti?
BEP. (*con malizia*) Conoscio a sò maotia . . .
TOM. Brûtta scemma, vanni via . . .
BEP. Ma segûo!
TOM. Miæ, ti me frosci
BEP. Ma . . .
TOM. Beppinn-a ti m'angosci

BEP. Sciä ghe dagghe o sciö Valerio

TOM. (*con ira*) Mia, n'ho vèuggia de bûrlâ

BEP. (*risoluta*) No scignor, o diggo in serio
Sciä le a causa do sò mâ

TOM. (*trattenendo la collera*) Via finiscila ciarlonna

Ti no sæ cose ti giappi

Vatte asconde, pelandronn-a

Vanni in sala a sarsì drappi

Se te sento ûn'atra votta

Nominame quello lì

Ti sciortia co-a testa rotta

A parlâne fêua de chi

BEP. Scì scignor, sciä scuse tanto

Sciä a raxon de dame a striggia

Taxo subito, ma intanto

Sciä se tegne lì sò figgia

Oh pe mi, sciä stagghe cærto

Che no vèuggio ciù parlâ

Sciä le ûn ommo troppo aspærto

Da doveilo consegnâ (*via*)

Scena settima.

TOMMAXO *solo*.

Oh scì, ti è aspærta ti

Vanni, vanni, odasiosa, pettelëa

Son proprio quello mi

Che me lasciò dâ pael da ûnn-a camëa

E scì! perchè mæ figgia a se deslengua

Sta scemma a l'ha pensôu

Che mi a dæiva a ûn despiôu

Che o n'ha manco de câdo sotto a lengua

(*come rissovenendosi*)

A proposito . . . o mëgo o le de là

Sentimmo cose o dixè . . . cose a l'ha (*s'in-*
contra con TIRITOFOLÒ)

Scena Ottava.

Dottore TIRITOFOLo e detto.

TIR. (*Esce dalle camere di Giacinto — con importanza mantenuta durante tutta la scena*).

Mæ padron riveritiscimo
Son felice de trovalo

TOM. (*con ansietà*) Oh Dottore.

TIRIT. (*con importanza e mistero*) Affare serio
No vorriervo disgustalo!

TOM. (*spaventato*) Ma davvei?

TIRIT. (*c. s.*) Se devo dighela
Comme ho visto, esaminou
Se trattieva de rachitide
E o le ûn caxo complicou

TOM. (*c. s.*) Comme?

TIRIT. Gh'intra ûn pö de scrofola
Penetrâ nell'organismo

Che a se esteisa in ta parotide
E a diventa rachitismo

Gh'asegûro sciö Tomaxo

Che o le proprio ûn bello caxo

TOM. Scì, ma intanto sciâ me digghe
Che San Gieumo o benedigge

TIRIT. Mi g' ho dito e repetûo
Che o me sembra ûn pozzo scûo.

TOM. (*spaventato*) Pozzo scûo! Meschin de mi,

TIRIT. Cão scignor, a l' é cosci!

TOM. Unn-a figgia robûstiscima
Ch' a ne stæta mai in letto!

TIRIT. Scì, sarâ..., Ma a l' é linfatica
Chì sta o punto, sta o difetto,

Questo spiega come l' ugola

Aoa a segge atrofizzâ

Da-i umori, e pe-a paralisi

A no posse funzionâ

No veddielvo atra manëa
De fâ libera a trachëa
Che de fäse do coraggio
E poi faghe ûn bello taggio.

TOM. Taggio ?

TIRIT. Taggio Unn-a demöa
De poel veddighe in ta göa.

TOM. Sciä l' é matto ! ma ghe pâ ?
O le ûn vueilla assotterrâ.

TIRIT. (*offeso*) Sciä cange i termini, sciä no m' offende,
De l' arte medica, sciä no s' intende ;
Confermo a diagnosi, amiaë ûn pö chi
Chi vëu dâ regole, conseggi a mi,
No ghe rimedio, ûrge taggiâ
Dunque a paralisi ä soffochiâ.

TOM. Che belle baccere ! Sciä me fa presto
Un taggio e ziffette sciä e bello lesto
Ma punto e virgola, chi ghe de mëzo
A le mæ figgia cö sò cannuëzo
Primma de veddila sacrificâ,
Vëuggio ëse libero de consültâ.

TIRIT. Ah ! sciä vœu fâ ûn consülto ? me ne vaddo.

TOM. Ma perchè ! sciä se ferme.

TIRIT. Pæi de no !
Mi no consülto mai no me degraddo
Con chi e meno che mi.

TOM. Ma se son mëghi,
Son tâtüti sò collegghi.

TIRIT. Collegghi ? no l' é vëo,
Son bestie tâtüti a rëo.

TOM. Sciä scûze, sciä l' é ûn bello originale.

TIRIT. Mi sön quello che son
E formo ûn eccesion (*p. p.*)

TOM. Ma sciä aspëte.

TIRIT. No posso, che ho premûa,
Padron, o riveriscio (*p. p.*)
E zà, sciä piggia o liscio

TOM. Perché sciä ha puia de fä brütta figûa.
TIR. (*adirato*) Me maveggio! sciä l' é ûn impertinente.
TOM. Sciä no sbragge.
TIRIT (*c. s.*) Ma mì.....
TOM. Sitto... ven gente.
(*segue consulto*)

Scena nona.

CORO DI MEDICI *che vengono in iscena con sussiego
e si dispongono in circolo.*

CORO Salve! de scienza medica
Verumtamen cultores
Et etiam de cerusica
Praelari operadores,
Collecti in concistorio
Seu in consultatione
De vestra infirma virgine
Apud observatione
Clarum verdictum dabimus
Eam vobis redonabimus.

TOM. Scignori, mì i ringrazio
D' ûn fä così corteise,
Però, se no gh' é scomoda,
Sciä parlan in zeneize,
Ma primma sciä s' accomodan
Che fò vegnî mæ figgia (*fa cenno a Bep-
pinna che entra nella Camera di Giacinta
e poi ritorna a suo tempo con lei*)
TIRIT. (*ai medici*) Se tratta de rachitide,
Malanno de famiggia.

Scena decima.

GIACINTA, BEPPINNA e detti.

TOM. *andando a prendere Giacinta e portandola in mezzo ove Beppinna mette una poltrona*

Ecco a marotta. ... (a Giacinta)

Assettite

E no te stâ a sciatâ.

CORO (*osservando Giacinta e circondandola*)

Heu! qualis pulera virgine?

BEP. (*piano a Giacinta*) Sciâ mie de no pariâ.

(*tutti siedono in circolo intorno alla malata —*

Da un lato Tommaso, dall'altra Tiritofolo

— Beppinna sta dietro la poltrona di Giacinta)

1.° CORO Dunque del mal l'origine

Sentiamo e la natura

2.° CORO Ma parli prima il medico

Che cominciò la cura.

TOM. (*a Tirit.*) Sciâ digghe sciù....

TIRIT. (*alzandosi con prosopopea*) Benissimo,

Dirò, ma brevemente,

Il male ebbe principio,

TOM. (*interrompendolo*) Da come fosse niente.

TIRIT. (*a Tomaso*) Non m'interrompa, pregola.

(*continuando*) Dunque i malanni sui....

TOM. (*c. s.*) L'è che a no parla....

TIRIT. (*adirato*) Caspita!

CORO (*a Tom.*) Lasci parlar a lui.

TIRIT. Dunque del mal l'origine

Fo senza esitazione,

Risieder della giovine

Nella costituzione,

Per cui gli umor linfatici

Che viziam l'organismo
Producon la paralisi
O meglio cachetismo
E l' assoluta stasi
Di tutti i grandi vasi,
Per cui non può più l'ugola
Reagire e funzionar.

CORO Benissimo, benissimo,
Passiamo ad osservar.

*(tutti si alzano e circondano Giacinta —
L'esame è fatto da tutti i medici a gruppi
per volta secondo la scena)*

1.° GRUPPO Vediam la gola!

TOM. *(a Giacinta)* Mosirila *(Giacinta apre la bocca)*

1.° GRUPPO Di grazia, un cucchiarino.

BEP. *(porgendolo)* Eccolo chi.

1.° MED. *(osservando)* Benissimo. *(osservano in
bocca a Giacinta introducendovi il cucchiarino)*
Respiri un pochettino.

(Giacinta respira forte)

1.° GRUPPO L'ugola è perfettissima.

2. GRUPPO *(dopo avere osservato)*

È un poco dilatata

3. GRUPPO *(c. s.)* Lo stato è patologico,

4. GRUPPO *(c. s.)* È stretta ed otturata.

1. GRUPPO *(a Tommaso)* Risponda a me, di grazia,
Il corpo è regolato?

2. GRUPPO *(agli altri)* Che val! non è lo stomaco,
L'esofago è malato,

TOM. Ma se a sta ben, benissimo,
A mangia comme ûn can!

3. GRUPPO *(con intenzione)* E il resto?

BEP. Tûtto in regola

E mëgio ancon che ûn san.

(tutti tornano a sedere e restano un momento pensando)

1. GRUPPO È affar complicatissimo

2. id. Spinoso ed intricato.

TIRIT. Un taglio sotto l'ugola
Avevo consigliato.

1. GRUPPO (*alzandosi*) Un taglio?
2. id. (c. s.) Un taglio!
3. id. (c. s.) Un taglio!
4. id. (c. s.) È un fallo, un'eresia!

1. GRUPPO Il mal non è rachitide,
È invece idropisia.
2. id. Ma se non è linfatica,
Si vede dalla cute.
3. id. Il sangue ha troppo globuli,
È eccesso di salute.
4. id. Sbagliata è appien la diagnosi,
Consiglio i Senapismi.

1. GRUPPO Ma no, che qui non trattasi
Di vincer reumatismi.
3. id. « È sangue? dunque s'ordini
« Energici salassi.
2. id. « Errore imperdonabile,
« Ne seguono i prolassi.
4. id. Consiglio de' calmanti.
1. id. Ci vogliono purganti.
2. id. Ma no, corroboranti.

TOM. (*perdendo la pazienza*) Asini tutti quanti.

TIRIT. Asini!

1. GRUPPO (*a Tiritofolo e agli altri*) Bestie;
2. id. (c. s.) Tangheri!
3. id. (c. s.) Batòso!
4. id. (c. s.) Mandillà!

BEP. Se dàn..... Misericordia! (*Giacinta si alza spaventata e va con Bepp'na in un angolo della scena sul davanti*)

TOM. (*disperato*) Chi me l' ha faeta fâ.
(*il disordine è al colmo — si minacciano a vicenda e si vilipendono*)

CORO e TIRIT. Azenon cäsôu vestîo
Aggi meno pretenscion
Ti è ûn cervello d scûxio
Ti fæ torto â profescion.

Vanni a fâ da cavadente
Vanni apprêuvo ai gatti ai chen
Ma pe amô da povia gente
No fâ o mego di cristien.

TOM. Sti scignori m'han servîo
Comme voeivo in to rognon
N'ho mai visto, mai sentio
Un consûlto coscî bon.

Chi ha besêuguo de sta gente
O sta fresco bell'e ben
Saiva megio ûn'accidente
Che de cazzighe in te moen.

GIAC.)
e BEP.) *a parte*) O consulto o l'è finîo
In t'ûn bello preboggion
Mi me godo e me ne rîo
Staggo a vedde da o barcon.

Se o pappà d'in sto frangente
O vorriâ sciortine ben
Besêugniâ co se contente
De piggiâla comme a ven.

TOM. (*ai medici inviperito*)

Aoa scignori ao pîpero!
A cosa a passa i limiti

(*a Giac.*) E ti Giacinta vattene
Ce intanto chi te inutile
Che in mezo a sti spropositi

Ti stagghi a tribolâ. (*Giac. parte con
Bepp.*)

MED. e TIRIT. Comme sciâ parla! Caspita
I termini sciâ modere.

TOM. Insomma via finimola
Sciâ se ne vaddan sùbito

Che dunque ciammo i villici
E quindi i piggio a scopole
E i caccio zu da scâ....

Scena undecima.

VILLICI *con bastoni e detti.*

MED. e TIRIT. A di magnifici
Do nostro conto
Minaccie scimili
Fâ quest' affronto
No, coscì lisc'ia
A no n' andiâ
Corpo d' Ippocrate
Sciâ ghe veddiâ!

TOM. Aoa finimola
Che ghe dicciaro
Che de so lauree
Me n' imbûzâro
Animo, sùbito
Piggiemmo a scâ
Che dunque e ciaccere
Finiscian mä.

VILL. Ohe scioi magnifici
Sciâ scentan presto
Che perdiesantena
Ghe demmo a-o resto.

(a Tom.) Padron sciâ l' ordine
Sciâ digghe baù
I asbriemo sùbito
Zù do balôu.

*I medici escono spinti dai contadini — Tomaso
cade su di una sedia confuso ed agitato.*

ATTO SECONDO



Scena come nella prima parte dell' Atto primo.

MARTINA e BARUDDA

MART. (*di dentro*) Ma dunque semmo a e solite?

BAR. (*c. s.*) Ma lascime quietâ!

MART. (*fuori*) Ti é ûn'ommo ozioso inûtile

BAR. (*id.*) No stâme a assimentâ

MART. Ti é ûn äze,

BAR. Mia, finiscila,

MAR. (*andandogli dietro*) Ti é ûn scemmo ûn im-
briaegon.

BAR. (*contenendosi*) No me stâ a fâ o bolitigo,

MART. (*c. s.*) Biforco, pelendon.

BAR. Beneito seggie o parroco

Che o m'ha sposou con ti!

Vorriæ che o foise a godite

Comme te godo mi!

MART. Ma dî se le poscibile,

Dîme se se pêu dä

Maio ciù vile e stûpido

Moggië ciù disgraziä

BAR. Ma percose ti t'arraggi?

Cose fasso mi de mâ?

MART. L'é perchè ti no travaggi,

Ti te væ sempre a imbriegâ!

BAR. Oh perdie! che o l'è ûn delitto

Da fâ tanto ramaddan.

MART. Tanto in casa no ghe ûn citto

Da accattase ûn pö de pan.

BAR. Mi tantæ son coscì fæto,
No me piaxe fâ o manente.
Só de lettea e son za stæto
Servitö d' ün cavadente
Ho imparôu zù ä biscochinn-a
Quarche paola de meixinn-a
E vorrieivo guadagnâ
Senza avei da travaggiâ.

MART. (*ironica* Ma Segnô! chi nō vedesse!
canzonandolo) Chi gh' é l' emmo de talento
A l' é roba, chi a dicesse
Da fâ cöre ciù che o scento
O so mì cose o vèu lè
Vive a e spalle da moggiè
Fâ l' ozioso, l' imbriægon
E mangiâ pan a petton.

BAR. Mia, finiscila Martinn-a,

MART. (*c. s*) L' aze, o parla de meixinn-a!

BAR. Mia, se ti ti m' assimenti,
Mi te fasso collâ i denti!

MART. Mi n' ho puia de to bravate,

BAR. Mi son bon a attaxentate

MART. E ti sbraggia, cria, tambuscia.
No te temmo, barbasciuscia!

BAR. (*alzando il bastone*) Mia che picco!

MART. Ti n' è bon,

BAR. E ti assazza o mæ baston (*la picchia*)

MART. (*gridando*) O gente! o m' ammassa
Aggiûtto, o me dà!

BAR. (*picchiando*) « Tæ, lengua de strassa,
Tæ, portile a cà.

MART. « Mi favo pe rie,
« Ti fæ pe davvei.

BAR. Intanto, perdie
Impara a taxèi.

Scena seconda

VALERIO *accorrendo alle grida di MARTINA*
si frapponne fra i due:

VAL. Ma cose ghe stæto?
Per cose sbraggiæ?

MART. (*piangendo*) Mæ maio o m' ha dæto,
O picca bacchæ!

VAL. (*a Barudda*) Ma comme, per bacco!
E n'ei suggezion?
Servive do bacco,
Per fave raxon?

MART. Ma cose o ratella,
Mi son so moggié?

BAR. O questa a l'é bella!
O gh'intra chi lê.

VAL. (*sorpreso*) Ma comme?

MART. Se o picca,
Sciâ deve taxèi,
Miæ chi se busticca!

VAL. (*c. s.*) Ma o dî pe davvei?

MART. Mæ maio o pœu dâme,

VAL. Ghe daggo ûnna man!

MART. So o vœse ammassame?

VAL. Cîù anchëu che doman,
(*a Bar*) E voî contentæla,
Torneghene a dâ;
Piggiæve a manuêla,
Piggiæve o cantâ!

BAR. (*irritato*) E comme s' intende
Con questo piccâ?
Amiæ che o pretende
De vœime insegnâ!
No vœuggio cîù daghe
Con questo? e coscî?

- VAL. No vèuggio ciù intraghe,
Lasciemola lì.
In st' imbroggio chi m'ha fæto
Meschinetto imbarassâ?
Bello scemmo che son stæto
Cö mæ voili attaxentâ.
- BAR. Femmo paxe... via Martinn-a,
Che l'ho fæto pe treppâ
Vanni in casa a fâ cuxinn-a
Che mi vaggo a travaggiâ.
- MART. Se me riesce aveite sotto
Ti veddiæ cose so fâ!
Aoa aspëto a balla a o botto
E me vèuggio vndieâ. *(partono per
diverse parti).*

Scena terza

GIACINTA e BEPPINA.

- GIAC. *(entra e si aggira per la scena in atto di chi
cerca qualcuno).*
- BEPP. Sciä torne in caza.... sciä no vegne chî,
Pe amô de Dio sciä no se fasse vedde
Sciä dagghe amente a mi...
- GIAC. Ah! lascime quetâ,
Che respïe, che me sfëughe, che me mescie!
O pappâ o l'è sciortio.
- BEPP. Ma se o torna!
- GIAC. E va ben, tanto respïo.
Vèuggio vedde Valerio.
- BEPP. Ma ghe pâ!
- GIAC. Ma segûo che me pâ, vèuggio parlaghe
Pe mettime d'accordo.... pe spiegaghe
Quello ch'emmo da fâ;
- BEPP. Ma sciä me sente....
- GIAC. No sento ninte,
- BEPP. Se vegnisse gente!

GIAC. Stamm'attenta....

BEPP. Ma mi....

GIAC. Ti vêu che sbraggie?

BEPP. Vaddo sùbito, via, sciâ no s'arraggie (*si ritira*)

GIAC. Ne ciamman sesso debole,
Leggiero ed ignorante
Do vento, ciù incostante
Ciù instabile che o mâ.
Dixan, che e nostre grazie
Ne servan pe reciammo
Pe piggiâ i nesci a-o lammo
E fâli tribolâ.

Dixan.... ma ti Valerio
Dillo se semmo fâse,
Dillo se ti ã capâse
D'avèi ciù amô che mì!

Dimme, se le poscibile
Trovâ ciù ardente fiamma
Se amore o no se ciamma.
Quello che ho in chêu per ti!
Ah saîva ben mëgio
Mostrase incostanti,
Pe esempio, pe spëgio
Di nostri galanti
Che son ciù crûdeli
Ciù freidi, svaiaæ
Ciù semmo fedeli
Ciù semmo innamœ.

Scena quarta

VALERIO *dal fondo e detta.*

VAL. Pss, pss.

GIAC. (*trasalendo*) Chi ghe!... Valerio!

VAL. Giacinta!

GIAC. Oh finalmente!

- VAL. L'è un öa che gïo pe veddila,
Ma sempre inutilmente;
- GIAC. Sciâ mie, se pe desgrazia
Ghe fosse qualchedùn.
- VAL. (*va in fondo ad osservare da ambe le parti*)
- GIAC. Ebben?
- VAL. (*tornando sul davanti*) No gh'è pericolo
Aoa no ghe nisciun.
- GIAC. N'ho tante da contäghene,
- VAL. Sci? cose l'è sùccesso?
- GIAC. Ma sciâ no a sä a commedia?
- VAL. A sò coscì a ûn dipresso.
- GIAC. Per vinse o mæ propoxito,
M'ho fæto vegnî mâ!
- VAL. E poi.....
- GIAC. Pe compî l'opera
N'ho ciù posciûo parlâ!
- VAL. Comme?
- GIAC. Son mûtta!
- VAL. (*spaventato*) Eh bacciare!
O l'è troppo ardimento.
- GIAC. (*indispettita*) Ma se l'ho dîto sùbito
Che sciâ no sâ contento!
- VAL. No....ma se pe desgrazia
Ghe scappa de parlâ
Che ninte l'è ciù façile
De poisene scordâ!
- GIAC. O so che gh'è pericolo
Ma mi no g'ho pensôu
Intanto o ciù diffiçile
Per aoa o l'è passôu.....
- VAL. Ma sæmo sempre a-e solite
- GIAC. (*con dispetto*) Eh! questo o so mi ascì
- VAL. Dunque....
- GIAC. Che belle miccere
Devo fâ tûtto mi?
Mi ho commensôu, sciâ seguite,
Sciâ stagghe almeno a-i patti.....

Scena quinta

BEPPINA e detti.

- VAL. (*sconcertato*) Ma mi...
BEPP. Sciä scappan sùbito
Che gh'è o castiga matti!
GIAC. (*spaventata*) Davvei?
VAL. (*c. s.*) Misericordia!
BEPP. (*dal fondo*) O l'intra in to portà,
VAL. Mi scappo...
GIAC. (*trattenendolo*) Ma intendemose,
VAL. No, sciä me lascie andà....
GIAC. Sciä m'ha misso in to bordello
Sciä m'ha faeto invexendà
E aoa proprio in to ciù bello
Sciä no sa ciù comme fà?
Sciä s'arrangie, dunque mi
Ghe ne daggo ûn cianto lì.
VAL. Sciä raxon... ma o l'è ûn pastisso
No so proprio cöse dî
Sûccediä qualche bordisso
Da no poine ciù sciortî
A l'è roba in mæ veitæ
Da creppà da l'anscietæ.
BEPP. Sciä no fasse ciù parolle
Sciä n'ha manco suggesion?
Sciä l'è proprio ûn braghe molle
Dimmo e cose comme son;
Se fise ommo, sciä veddiæ
In che moddo ne sciortiaæ.

(*Giacinta e Beppina entrano in casa — Valerio esce dalla parte opposta a quella da cui entra Tomaso*).

Scena sesta

TOMAXO, LUCHIN e TÖGNO.

TOM. (*ai due*) Eì dunque inteiso ben? eì ben capio?

LUC. Oh scl... ma sciö patron...

TOM. Dunque çerchælo

TÖG. Ma sciä stagghe a senti....

TOM. Metteive in gïo,

Camminæ tûtto o giorno, ma trovælo.

LUC. Vosciä sciä bello dî, ma sciä l'amie

De mëghi fêua de chië

No ghe n'è, se pêu dî manco a semensà.

TOM. Me fæ perde a pazienza

Mi so quello che diggo!

Mi m'han dito che o ghe... dunque che o vegne

No ghe scusa chi tegne

TÖG. Ma

TOM. (*irritato*) Basta perdiebacco! Sacristia

Se voi nò seì trovâ... ve mando via (*entra in casa*)

(LUCCHIN e TÖGNO *restano in scena, guardandosi in faccia*)

LUC. E aoa comme fasso?

TÖG. E mi cameadda?

LUC. O trovâ ûn mëgo bon in sta contrâ

Le comme çerca funsi de zenâ....

Scena settima.

VALERIO *in ascolto e detti.*

VAL. Ho capio tutto! Questo le o momento

D'aveì dell'ardimento

Se lö çercan ûn mëgo fêua de chi

Besêugna che me fasse mëgo mi (*si ritira*)

TOG. Ma comme emmo da fâ?

LUC. Andemolo a cercâ....

TOG. Ma donde?

LUC. Donde? te o domando a ti

Ti vanni de de là... mi andiö de chi.

(Togno va dalla parte di Valerio)

LUCCHIN *resta sul davanti della scena pensando)*

Scena ottava.

MARTINNA *e detto.*

LUC. *(da sé)* Che o trêuve? perdiescampene
Amiæ se a n' é da rië?

Comme se fosse façile

Trovâlo fêua de chie....

MAR. *(da sé)* Mi dunque dovîo stamene

Co-e moen sotto o scösa

Quando ghe sâta i scripixi

De voeime matrattâ?

LUC. *(c. s.)* Se andasse ün pò da-o parroco

MAR. *(c. s.)* Se avesse ün mezo in man

LUC. *(forte)* Sci

MAR. *(c. s.)* No

LUC. *(volg. e vedendo MART.)* Chi a le sta scorpèna?

MAR. *(vedendo LUCCHIN)* Chi o le sto scemelan?

LUC. Ehi diggo, bella zovena

MAR. Bell'ommo, cose voei?

LUC. Scusæme dell'incomodo

Ma za voi, nò saviei....

MAR. Cose?

LUC. Se pe disgrazia

Ghe stesse fêua de chi...

MAR. Chi mai?

LUC. Za le impossibile

Perchè o savie mi asci...

MAR. Ma cose?

LUC. Un mëgo celebre

- MAR. Un mëgo?... no saviaè...
LUC. Ma se l'ho dito subito.. (*per partire*)
MAR. (*dopo aver pensato*) O ghe...
LUC. (*sorpreso assai*) Me cuggionæ?
MAR. Oh no, che o diggo in serio
LUC. Ma dove o le, ciammælo
MAR. Esci... aôa le impossibile
LUC. Perchè?
MAR. O le ûn pô sciacchælo
LUC. Schiacchælo?
MAR. O se intestôu
De dî che o le ûn scciappôu!
LUC. Ma alôa...
MAR. No ve sciataè
Con un fracco de legnæ
Ben dæte.... o ridûiei
A fâ quello che voei.
LUC. Che roba! per die scampene
Che bell' originale
Vaddo a cercalo sùbito,
Ma dove o le sto tale?
MAR. Se voei che ve l'ïnsegne
Ve o là che o fa de legne (*indicando dentro la*
LUC. Quello? *scena*)
MAR. Scì quello proprio
Che o l' ha o picosso in man
LUC. E dî che o le un magnifico?
Ma a mi o me pâ ûn paisan
MAR. Paisan? andæghe a vedde
Se voi nò ve o voei credde
Ma o ciù, no ve scordæ
De daghe de legnæ
LUC. Va ben, mi ve ringrazio
Vaddo a ciamma o padron
MAR. Ma amiaè, metteive in règola
No ve scordæ o baston
(*Lucchino entra in casa frettoloso*)

Scialla, scialla che demöa
Te l'ho fæta, ti ghe l'æ
Pe gödi sto quarto d'öa
Mi no so cöse ghe dæ
Se ti è cuæ de da de botte
Prêuva un pö de cöse san
E pèu dæse che e atre votte
Ti no tegni a posto e man.

(entra in casa)

Scena nona.

BARUDDA *con un fiasco.*

BAR. *(di dentro)* Oh fior della gazia
Lascite un pö toccâ!
Chi ha cuæ de travaggiâ,
O o le ün äze, ünna bestia o o le ünna spia
(entra) Oh fior del melograno
Ti sæ dove me dèue
Se n'æse e stacche vèue
Me ne battiæ o moccin scin do sovrano
Oh fior de lo limone....
Ohe semmo a secco
Besèugna bagna o becco
Che dunque l'istrument, o me fa pillo
(Siede sopra una panca).

Scena decima.

TOMAXO LUCCHIN *con bastoni e detto.*

LUC. *(segnando BAR. che beve)* O le là...
TOM. *(vedendo BAR.)* Ma ti è matto
LUC. Scignor sci
O le proprio in zûamento quello lì
TOM. Un mègo sto paisan
BAR. *(bevendo)* Mi me recillo

LUC. Sciä ghe parle

TOM. Ma mi... se o se refûa?

Se pe caxo se foscimo sbagliæ?

LUC. Sciä ghe picche addei ûa

In sce spalle ûn bon fracco de legnæ

Sciä me lasce fâ a mè... (*s'accosta a Barudda*)

Servo

TOM. (*accostandosi a BARUDDA*) Padron

BAR. (*volgendosi e guardando meravigliato i due*)

Sciignoria... Cose ghe? cose êuan? chi son?

LUC. Sciä scuse sciö magnifico

TOM. Sciö mëgo, sciignoria

BAR. Co ghe säta? i scripixi?

Mi mëgo? ma a ghe gïa!

Sciä mian che sciä han sbagliou

Che mè fasso o scciappou.

LUC. (*con sorriso d'incredulità*) Scciappou!

TOM. (*c. s.*) Scciappou!

LUC. Finimola

Sciä vegne... sciä se cieghè...

TOM. Semmo che sciä le celebre

BAR. A pesta che ve neghe

S'el vèuggia de burlâ,

Con mè n'el guæi da fâ.

TOM. Ma mëgo....

LUC. Ma magnifico...

BAR. Ma cöse me secchæ?

TOM. O prego, sciä no m'oblighe

A certe estemitæ!

LUC. Perchè tegnî l'incognito

Con tanta ostinazion?

TOM. Ma via

BAR. Pe l'ordio sellao

LUC. Sciö mëgo....

BAR. (*gridando*) Se nö son!

- TOM. Oh insomma sciö mëgo
Ho a figgia marotta
Sciä vegne che o prego
Pe l'ùltima votta
Oh corpo de bacco
Se sciä me secchiä
Usiö de sto bacco
Pe fälo doggiä.
- LUC. Sciä l'ha de sciortie,
Sciä scüse Dottö
Ch'en roba da rie
Ghe fan disonö
Allon sciä se doggie
Che dunque o padron
Pe ün pö che a ghe boggie
O dêuvia o baston.
- BAR. Ma perdingolinn-a
Gh'èu tanto a capi
Che sò de mexinn-a
Ciù poco che voi?
Ma cose ho da fä
Se mëgo nö son?
Lasciäme quietä
Finimola, allon!
- TOM. Zà che l'é inùtile
Digheo co-e bonn-e
E sciä vèu proprio
Che mi o bastonn-e
Sciä se contente
Sciä piggie chi (*lo bastona*)
- BAR. Ahì ahì!
- TOM. Sciä e sente
- BAR. De botte a mi?
- LUC. Se scia-e dexidera
Se sciä n'ha coæ (*lo batte*)
- BAR. Sei ùnn-a manega
De mandilæ

TOM. « Ma se sciä e mëgo

« Perchè negâ?

BAR. « Ma scì che-o nëgo

« Se nō so fâ!

LUC. « O le indomabile

« Un'atro attacco (*alzano tutti e due il bastone*)

BAR. « Ohela, finimola

« Pösemmo o bacco!

TOM. Sciä se ricredde?

LUC. Sciä e mëgo?

BAR. Mi?

Vêuggio ûn pö vedde! (*mettendosi in atto di resistere*)

(LUCCHINO e TOMAXO lo bastonano ancora)

(*gridando*) Diggo de scì

(*dopo una pausa*) Che o segge proprio?

Sciä o san segûo?

LUC. Perdiesaniscima

Sciä le ûn pö dîo!

BAR. Sciä aggian pazienza

Mi m' e-o scordôu

Tûtta a mæ scienza

Pe fâ o scciappou

(*con risoluzione*)

Scì scignori, son mëgo e chirûrgo

Sciä me diggan chi devo sanâ

Ma con patti, no taggio, no pûrgo

Se no so quanto devo guagnâ!

(*Cose rischio? pëuan dame de botte?*)

E conosco me l'han zà picchæ

Ma pëu dase, pe caxo, de votte

Che no riesce a guagnâ di dinæ)

TOM. e LUC. Amiæ ûn pö se a ne roba da scemmi

Voel piggiase de gatte lighæ

Anco' assæ che no semmo malemmi

Ch'emmo agïo da personn-e educ hæ

(a *Barudda*) Sciä l'ha puia che ghe manche i biggetti?

Sciä no pense che ^{so}
o sa comme fâ...

Sciû, sciä vegne, no femmo frexetti
N' emmo tempo da perde a ciarlâ.

FINE DELL' ATTO SECONDO.

ATTO TERZO



Scena come nella seconda parte dell'Atto primo.

Scena prima.

VILLANI e VILLANE.

CORO. *I Parte.* Cose dî! ghe ne sempre de nêuve
Sta chî poi no me-a sæivo assûnnâ!
II Parte. Povia zuena! ma dove ghe dêue?
I Parte. E chi o sa se a no pêu ciù parlâ!

Scena seconda.

BEPPINA *dalla stanza di* GIACINTA.

BEP. Cose gh'ælo? che razza de gente!
No porriesci parlâ ciù ciannin!
CORO Ohe Beppinna! ma comme a se sente?
BEP. Sempre pezo! aoa a dorme ûn pittin!
CORO Ma che i megghi no saccian perdïe!
Ese in caxo de fala parlâ!
BEP. Esci i megghi! a le roba da rïe
No san manco che pesci piggiâ!
CORO Miæ che caxi! senz'ëse marotta
Avei sempre o canueso tappôu!
Che disgrazia! ûnn a bella zuenotta
Che a le ûn trionfo! le proprio peccôu!

Scena terza.

TOMMAXO *solo.*

Per die sampin d'ùn gallo
Pe ùnn-a votta me pâ d'ëse a cavallo
Cose no ghe vosciùo
Cose ho fæto, ho bregôu, o sà o Segnô
Son chi tùtt' in t'ùn sùo
Pe trovâ, pe ridùe questo Dottô!
L'ho lasciou da-o speciâ
Pe accatase de droghe e da scialappa
E mi son camminôu
Pe arrivâ in tempo a prevegnî mæ figgia
Che dunque a le segûa
Se a no sa ninte e vedde a so figûa
Se o ghe da ùnn a meixinn-a a no me a piggia
Presto dunque Beppinn-a
Dove ti te intanâ perdingolinn-a!

Scena quarta.

BARUDDA *con zimarra da medico poi LUCCHIN e detto.*

BAR. (*di dentro*) Ma comm'a le? corbezzoli!

Aspëtan o Dottô
E no ghe in anticamera
Nisciùn pe faghe onô?

TOM. Meschin de mi! o magnifico
M'han tanto invexendôu
Con quelle ciarle inutili
Che mi me n'eo scordôu!

LUC. (*preced.* BARUDDA) Sciâ l'intre, sciâ s'accomode

TOM. (*chiamando BEPPINA*) Beppinn-a vegni in ça

BAR. (*entrando con sussiego*) (Aoa ghe son... le o mæximo
E chi ghe l'ha ghe l'ha.)

Scena quinta.

BEPPINA e detti.

- BAR. Eh dunque cose divimo?
Ah! dove a le a marotta?
- BEP. (*entrando*) Son chi...
- BAR. (*guardandola*) Perdiesaniscima
Che tocco de zuenotta!
- BEP. (*osservandolo*) (Ma cose o l'ha sto singao?)
- BAR. Miæ che êuggi, miæ che cea.
- TOM. Sciä mie che sciä se sbaglia
Che questa a le a caméa
- BAR. N'importa, dô principio
Pe vixitala lê
- LUC. (*frapponendosi*) Oh no, sciä no s'incomode
Sta chi a le mæ moggie
- BAR. Davvei? me ne congratulo
O le ün boccon teccioso
(*Vuole avvicinarsi a BEPPINA, LUCCHIN lo impedisce con bel garbo*)
Oh diggo bello zoveno
No sæsci miga gioso?
Lasciæme ñn pô che a vixite
Son mëgo de famiglia
- TOM. Sciä scûse, sciö magnifico
Vaddo a ciammâ mæ figgia (*entra nella camera di GIACINTA*)
- BAR. Va ben, mi intanto examino
Sto tocco de carzêu
Pe vedde se o so stêumago
O pêu allevâ figgiêu (*s' avvicina*)
- LUC. (*c. s.*) E dalli, mi ghe replico
Sta chi a le mæ moggie
- BAR. Doviesci dîme grazie
Levæve d'in ti pe (*per avvicinarsi ancora*)

- LUC. (*con risoluzione contrastandogli il passo*)
No vèuggio che sciä a vixite
BEP. (*scostando LUCCHIN*) Cose t'æ puia che o fasse !
BAR. Son mëgo, e o le o mæ uffizio
LUC. (*c. s.*) Ma se....
BEP. (*c. s.*) Ho de bonn-e brasse (*con minaccia*)
(*mettendosi in posizione di difesa*)
Sciä vegne, sciä me vixite
(*a LUCCHIN*) Lascime fâ da mi
BAR. (*sconcer'ato ritirandosi*) Adaxo....

Scena sèsta.

TOMMASO, GIACINTA e detti.

- TOM. Sciö magnifico
Mæ figgia a le sta chi...
BAR. (*avvicin. a GIACINTA che siede sopra una poltrona*)
Dunque questa a le a nostra marotta ?
TOM. Sciä s'assette
BAR. (*sedendo presso GIACINTA*) Vedemola ün pö !
A le proprio ün a bella zuenotta !
Che a guariä se a fâ quello che diö
TOM. Coscì fosse !
BARUD. Scommetto a sciscia
Che in te Zena sæ in caxo a trovâ
Un zuenin che malgrado a maotia
Sæ contento de poeila sposä (*Giacinta sorride*)
Diggo ben ? eh ! I'ho fæta za rie
Dimme ün po cosa diao ve sentî ?
GIAC. (*parlando come i muti*)
Hin, hon, han . . .
BAR. Cose a dixè perdie ?
Mi no riescio de pueila capi !
TOM. Sciä no sa cose le o so malanno ?
BEP. A le mütta
LUC. A no pèu ciù parlâ . .

- BAR. Ho capïo . . . ghe ne molti quest' anno !
E n' ho visto di belli a creppâ
Bene, bene, ghe dæmo ûn' ampolla
- TOM. Ma sto male da cose o vegniâ ?
- BAR. O proven . . . che a l'ha perso a parolla
E per questo a no pèu ciù parlâ !
- TOM. Ma percose a l'ha persa !
- BAR. Segondo !
Sciä me digghe, sciä intende o latin
- TOM. Ninte affæto
- BAA. Mi alloa ghe rispondo
Tolle pane et gotto de vin
- TOM. Cioè ?
- BAR. Che a piggie ûn gottin de marsalla
Che a ghe bagne ûn tocchetto de pan
Che a seo mangie. . . o rimedio o no falla
E a guarisce ciù anchèu che diman
- BEP. Oh che rimedio
- LUC. Sciä ne fa rie
- TOM. Sciä parla in serio ?
- BAR. Comme perdie ?
Sciä no sa i vincoli
Antropologici
Coi vizi organici
E Bacologici
Che tra e molecole
Do vin cö pan
Fan di miracoli
Scinn-a in sce ûn san ?
- TOM. Mi stento a creddilo
- BEP. Sciä scûse.
- BAR. E dalli !
Sciä piggie esempio
Dai papagalli ?
Ma cose in grazia
Se gh'ûsa dâ....
Se se dexidera

De fai parlâ ?
O mæ rimedio
Pan e vin bon !
(*con prosopopea*) Aoa sciâ repliche
Sciâ parle ancon !
TOM. A cosa a me capacita !
BAR. (*trionfante*) Cose se fa co-a scienza !
Mi tûtti i me rimedii
I piggio in ta dispensa

Scena settima.

Togno dal fondo e detti.

TOG. (*frettoloso*) Padron, l'é chi o magnifico
TOM. (*sorpreso*) Magnifico? ma chi?
TOG. Ma quello mëgo celebre
BAR. O celebre son mi.
TOG. Sciâ dito de portaghelo
E mi ghe l'ho portôu.
TOM. Ma se o l'é chi.....
LUC. Che stûpido
Son mi che l'ho trovôu !

Scena ottava

Valerio vestito da medico e detti.

VAL. (*fermandosi in fondo*) Padroni colendissimi
TOM. (*imbarazzato*) Ma mi divento scemmo
(*a Togno*) Ma chi t'ha dïto, Bestia
TOG. Sciâ dito che o cerchemmo !
E dunque.....
TOM. (*a Valerio con imbarazzo*) Chi gh'é equivoco
(*a Barudda che al giungere di Valerio è andato sul davanti della scena volgendogli le spalle per non farsi conoscere*).
Sciâ parle vosciâ àsci

BAR. (*senza volgersi*) Ma certo
(*Valerio in quel frattempo si è accostato a Giacinta e
si fa conoscere*)

GIAC. (*soffocando un grido*) Oh Dio! Valerio.

VAL. (*sotto voce*, Scià taxe che son mi
(*forte*) Tempo non ho da perdere
L'infermo dov'è...

TOM. (*con imbarazzo*) Scià sente
O mëgo l'emmo....

BAR. (*senza volgersi*) E celebre!
(*Me ven ûn' accidente*)

VAL. (*scorgendo Barudda rimane interdetto*)
(A-o zorzo chi a se complica!)

BEP. LUC. TOG. (Pâ ch'a se mette mâ)

GIAC. (Mio Dio son chi che spaximo!)

BAR. (Chi me l'ha fæta fâ!)

TOM. Staggo e me bäsigo
Con duî mëghi ch'in scë brasse
Aoa comme me a destrigo!
Cose digghe? cose fasse?
Con duî mëghi! A l'é segûa
Che me-a veddo assotterâ
Ma a me resta senza cuâ
Se no-i posso combinâ.

VAL. Ah sta chî, perdingolinn-a
A l'é bella! a l'é granïa!
A m'ammassa, a me rovinn-a
Se no trêuvo ûnn-a sciortïa
Mi son proprio ûn bell'oxello
Se no riescio a imbarlûgâ
Questo mëgo de cartello
Che o me ven a imbarassâ?

- BAR. Mi perbacco sæ contento
De sciortî d'in sta baracca
E son chi che in mæ zuamento
No so quante n'ho in ta stacca
Ohe cammeadda stemmo all'occi
Ch'o l'é zêugo de canâ
Ammia ben che se ti bocci
Ti væ a fâte mincionnâ.
- GIAC. Veddo ben che o le o momento
Che a mæ sorte a se combatte
Dä speranza, da-o spavento
Tremmo tûtta... o chêu o me batte
Ma ciù cerco ûnn-a sciortia
Ciù me trêuvo imbarazzâ!
Ah se a sorte a no se gïa
Mi no sò comme a l'andiâ
- BEPP. O le ûn cœto, o le ûn intrigo
- LUCCH. Che o me spaxima o cervello
- e TOGNO Ma ciù innaspo, ciù destrigo
Ciù s'imbroggia o rumescello
Se no fosse pe-a scignöa
Che a n'ha ninte da guagnâ
Per mi a sæiva ûnn-a demöa
Se i vedesse abberruffâ!
- GIAC. (*piano a VALERIO*) Mi tremmo oh Dio Valerio!
- VAL. (*piano a GIAC.*) Aoa ghe son..... coraggio
- TOM. Ecco.... ghe diö
- VAL. Spieghiamoci
Per me questo è un oltraggio
Sono chi sono e cedere
Non voglio a chicchessia
- TOM. Ma mi.....

VAL. (*indicando BAR.*) Con buona grazia
Colui deve andar via

BAR. (*gesticolando senza volgersi*)
Perchè? sì che d'in cambio
Io sono nato vei
Eh sì! ma a farsi leggere
Ci vada un poco lei

TOM. Ma cari miei.... mi daggano
Un poco a mente a mì

VAL. Niente.... esser solo io voglio

BAR. Ed io lo voglio assì

BEP. Ma chi se dàn

Che scandali

GIAC. Me pâ d'èse in sce-e braxe

TPM. Sciä mian, sciä se combinino

La cura in santa paxe

VAL. Ma no....

BAR. Manco per ridere

VAL. (*gridando*) Per Dio!

BAR. (*c. s.*) Per tutto zù

TOM. (*come colpito da un'idea si accosta a BARUDDA e gli porge del denaro di nascosto*)

Insomma.... sciä se modere

BAR. (*intascando il denaro*) Sti chi no scappan ciù

VAL. (*s'avvicina a BARUDDA e gli dice sottovoce porgendole del denaro in modo che gli altri non se ne avvedano*)

Sciä mie.... le mëgio intendise

BAR. (*sorpreso vedendo il denaro*)

Comme....

VAL. Sciä piggie chi!

BAR. (*c. s. fingendo voler rifiutare il denaro con atto sdegnoso*)

Dinaè!

VAL. No le pe offendilo

Sciä digghe comme mì (*BARUDDA prende il denaro e lo intasca*)

- T. M. (*agli altri osservando i due che pare si combinino*)
Taxei, pä che a s'accomode
- BAR. (*piano a VALERIO non comprendendo*)
Ma mi....
- VAL. (*c. s.*) Son ün' amante
E a figgia a le saniscima
A finze
- BAR. (*molto sorpreso da sè*) Oh perdiesante !
- TOM. (*ai due avvicinandosi*) Dunque....
- VAL. (*forte*) Le tütto in regola
Se semmo consültæ
E fæmo, se g'he comoda
A cùra in societæ
- TOM. Beniscimo, beniscimo
- BAR. (*assumendo il primo suo fare disinvolto e dottorale*)
Sci, sci perfettamente
- VAL. (*indicando TOGNO e LUCCHIN*)
Ma primma sciä licenzie
Un pö tütta sta gente... (TOMMASO *fa cenno ai servi di ritirarsi*)
- LUC. e TOGNO « Percose ?
- VAL. « O le o mæ metodo
« No vèuggio d'invexendo
- BAR. « Le cosa indispensabile
- TOM. « Va ben, e mi me rendo
- LUC. « Se no parlemmo....
- TOM. « Andævene
- TOGNO e LUC. « Ma....
- VAL. « Presto meno mâ
- TOM. « Insomma meno ciaccere
« Andævene de là (LUCCHIN e TOGNO
vanno via brontolando dal fondo)
- VAL. Intanto che mi examino
O stato de madamma
Vosciä câo sciö magnifico (*con intenzione*)
- BAR. (*con intelligenza piano*)
Va ben.... ho mang'ou a lamma

VAL. (*piano*) Sciä çerche ûn mezo termine
De bambordî o pappà ...

TOM. Dunque...

BAR. (*accostandosi a TOMASO e mettendosi in modo da impedirgli di vedere VALERIO e GIACINTA*)
Sciä no s'incomode....

TOM. Ma mi....

BAR. Sciä vegne in ça.

(*In questa scena TOMASO cerca sempre di sbarazzarsi di BARUDDA il quale lo trattiene impedendogli di vedere VALERIO e GIACINTA, gesticolando e gridandogli i seguenti versi*)

De meistro Pancrazio
Campann-e lighæ
Et etiam clisterio
Patate giascæ.

TOM. Sciä scûse, le inûtile
No riescio a capî
Sciä lascie, de grazia
Che vadde a sentî.

VAL. (*piano a GIAC.*) A nostra disgrazia
Se voëmo evitâ
Ghe ûn solo rimedio
Besêugna scappâ.

GIAC. (*piano a VAL.*) Sciä visto Valerio
Se g'ho dell'amô
Ma almeno, pe grazia
Sciä pense a-o mæ onô.

BEP. (*presso a GIAC. e VAL.*) O sæiva ûn miracolo
Da fâse stampâ
Se riescian a intendise
E poeisene andâ

VAL. (*c. s.*) No ghe ûn'oä, no ghe ûn momento
Ciù da perde

GIAC. (*indeciso*) Cose fasso!
Ah mi tremmo e me sgomento
All'idea de questo passo

BEP. (*piano a GIACINTO*) Sciù coraggio

TOM. (*riuscendo a svincolarsi da BAR.*) Ebben?

BAR.

Collega?

VAL. (*con importanza*) A le mûtta! e n'ho sbagliou!

TOM. Che scoperta! e chi ghe o nega?

BAR. (*a TOMAXO*) Sciä mie un pö se ho indovinou?

TOM. Ma o rimedio?

BAR. (*a TOMAXO interrompendolo*) Sciä no sente!

TOM. (*impazientito*) Sciä me lascie ün pö parlâ!

BAR. (*c. s.*) Pan e vin

VAL.

O le eccellente

Ma mi ho puia che no bastiâ

Chi ghe vèu ùnn-a cûra attiva

E rimettise a-o Segnô

Prendi, fuga purgativa

Misce a sciopo de l'amô (*con intenzione marcata*)

(*a BAR.*) Sciä ha capïo!

BAR. (*con intenzione*) Perfettamente

Anzi apprèuvo l'ordinanza

VAL. Ma pe daghe l'ingrediente

Che a me porte in ta so stanza

TOM. Ma che razza de meixinna!

BAR. Ma o pappà o n' ha da capï

GIAC. (Cose fasso!)

VAL. (*con intenzione*) Scignorinna

E sciù o zù, no ghe da dî.

(*BARUDDA dietro un segno d'intelligenza fatto da VALERIO si mette in modo da impedire a TOMAXO di vedere GIACINTA e VALERIO — Questi, seguiti da BEPPINA colgono il destro e fuggono rapidamente dalla comune — TOMAXO vorrebbe seguirarli ma è trattenuto per l'abito da BARUDDA.*)

BAE. (*trattenendo TOMAXO*) Sciä se færmè

TOM.

Ma ä bottiggia?

BAR. (*c. s.*) A bottiggia o l'ha in ta stacca

TOM. Sciä me molle... A le mæ figgia

BAR. (*c. s.*) Sciä n'intende proprio ün'acca!

TOM. (*cercando svincolarsi*) Vêuggio andà

BAR. (*c. s.*) Ma se scià guasta

O ghe lë, basta coscì!

TOM. Ninte affæto, che no basta

Che vèuggio esighe mi ascì.

(TOMAXO *cerca svincolarsi* — BARUDDA *lo trattiene* —
Succede un principio di lotta — *Fracasso di dentro e rumore di voci*).

Scena nona.

LUCCHIN *spaventato e detti.*

LUC. Sciö padron! che invexendo! che cæto!

TOM. (*che è riuscito a svincolarsi da BARUDDA, è trattenuto da LUCCHIN*).

Cose ghe! ti ghe manchi ti ascì!

BAR. (L'han za visti!)

TOM. Ma cose ghe stæto?

LUC. Zû ghe i sbiri!

BAR. (*spaventato*) Che vegnan per mi?

TOM. (*c. s.*) Sbiri in casa!

Scena decima.

CORO DI VILLANI, TOGNO, BEPPINA *e detti.*

CORO (*spaventato*) Padron, scià s'avvarde,
Che ghe i sbiri zù in fondo da scâ.

TOM. O sà ün sbaglio.

BAR. (L'è ben che no se tarde
Se vèuggio èse anco-in tempo a scappâ).
(*Barudda cerca di andarsene inosservato, ma è trattenuto da Tiritofolo*)

Scena undecima.

TIRITOFOLO CON BIRRI *e detti.*

TIRIT. Fermi tûtti.

TOM. Che moddo o l'è questo?

Chi scià çerca?

BAR. (*riconoscendo Tiritofolo*) (Son frïto! o padron)
(*va nuovamente sul davanti ed in un lato della
scena volgendo le spalle e cercando di nascon-
dersi la faccia col fazzoletto e col cappello*)

TIRIT. Fèrmi, diggo! son tütti in arresto (*ai birri*)
Chi anscia solo.... manette e prexon!

TOM. Ma per bacco!

TIRIT. Che bacco d' Egitto!

TOM. Ma per cöse dèvo èse arrestòu?

TIRIT, Vèuggio vedde chi l' é chi ha o diritto
De fà o mège senza èse laureòu!

TUTTI Comme, comme!

TOM. (*a Barudda*) Ma, mège, sciä sente.

BAR. (*borbottando senza volgersi*)
Sento.... sbaglio.... calùnnia.... mì o son.

TOM. (*a Tirit.*) Sciä o rispette.

TIRIT. (*andando da Barudda e scoprendolo*)
Ma o l' é o mæ manente.

BAR. No l' é vèo.

TIRIT. E o no paga a pixion.

BAR. O l' é ùn sbaglio, son mège, protesto,
A l' é tütta giöxia de mestè.

TIRIT. Ah birbante....

BAR. (*volgendosi a tutti*) O me mette in arresto
Che o l' ha invidia che sò ciù che lè.

TIRIT. (*esasperato*) Ti æ sta faccia!

BAR. (*a Tiritofolo*) Via, meno parolle,
Sciä l' é ùn aze, sciä vadde a spigöa.

(*Tiritofolo afferra Barudda per un braccio minac-
ciandolo*).

Scena dodicesima

MARTINA e detto.

MART. (*frapponendosi tra Tiritofolo e Barudda*)
Ah, mæ maio! Sciö mège, sciä o molle.

TOM. (*sorpreso*) Comme?

CORO (*c. s.*) Cöse!

BAR. (*scoraggiato*) A l' ha fæto a fritâ.

TIRIT. (*a Tommaso con trionfo*) Ah sciâ vedde se l'é vëo?
Ah sciâ sente s' ho raxon?

(*a Barudda con minaccia*)

Ah! ti e mëgo.

BAR. (*umile*) Mì nō l' ëa.

Me l' han fæto cō baston.

MART. Ah son mì, pe dila sccetta,
Che ho sta bûrla combinâ,
O me dâva... e pe vendetta
Voelvo fâlo bastonnâ.

BAR. (*minacciando Martina*) Ah marviaggia!

TUTTI Ah! Ah!

TOM. (*a Barudda*) Bregante!

(*come rissovenendosi*)

E quell' ätro che o l' ëa chi?

BAR. Eh... quell' ätro o l' é ün amante.

E o l' é mëgo comme mì...

TOM. (*con spa-* Un amante! e ghe mæ figgia

vento dispe- Son tradïo! son rovinôu

randosi) Mille franchi a chi m' òu piggia

A chi o porta immanettôu.

BAR. Troppo tardi... han troppo lenza

TIRIT. Me rincresce scinna a mi

BAR. Aoa via... ghe vëu pazienza

TOM. (*vorrebbe uscire disperato, ma è trattenuto dai
seguenti*)

Scena ultima.

VALERIO, GIACINTA, BEPPINA.

VAL. Sciâ se calme, semmo chi...

TOM. (*sorpreso ed esacerbato resta un momento inter-
detto volgendosi a Giacinto e Valerio*).

Comme ti... vosciâ... birbanti

Vanni via...

GIAC. (*inginocchiandosi*) Pietæ perdon...

TOM. Ninte.... in töre....

VAL. (*inginocchiandosi*) Semmo amanti

BEP. Via... sciä gh'aggie compascion.

GIAC. (*con affetto*) Ah quanto son colpevole

Da o mê rimorso ò sento

Mi no domando grazia....

Muiö ti sæ contento:

Se ti nö vêu concedime

Che spöse o mæ diletto,

Muiö ma ün'atro affetto

Nö posso imaginâ

TOM. (*combattuto*) Tant'è queste so lagrime

M'han misso ün freido addosso

Che vèuggio fâ da burbero

Ma veddo che nö posso.

BEP. e CORO Sciä sente povïa zovena

Comme a le zà pentïa

Se sciä n'ha o chêu de priä

Sciä deve perdonâ

BAR. Sciä mie tanto le ö mæximo

TOM. Ma nö... se mi nö vèuggio

TIRIT. Le meglio nö fâ scandali

TUTTI Ma via seræ ün'èuggio

TOM. (*commosso*) Ebben....

GIAC. (*supplice*) Pappà

TOM. Finimöla

Sposæve, e dæme ün baxo

TUTTI Evviva o sciö Tomaxo!

TOM. No stæme ciù a seccâ.

GIAC. Ah se ho finto pe ün momento

D'èse mûtta senza voel,

Temmo proprio, da-o contento

De vegnilo pe davvel

Figge cae se a me riùscia

Pe unn-a finta malattia

Pe caitæ, nò fê da mûtta
Quand'ei vèuggia dô sposòu
Me l'ho vista troppo brùtta
O so mi, cose ho passòu.

TUTTI

Ghe de lingue coscì brùtte
Che sæ tanto guadagnòu
Se vegnissan ùn pô mûtte
Quando han vèuggia de sposòu.



FINE.

7412